



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u martu 2026. godine




Monetarna kretanja u martu 2026. godine

Ukupna novčana masa (M2) na kraju marta 2026. godine iznosila je 43,18 milijardi KM i u odnosu na prethodni mjesec registrovano je povećanje novčane mase za 125,3 miliona KM (0,3%). Povećanje novčane mase (M2) rezultat je povećanja novca (M1) za 38,6 miliona KM (0,1%) i povećanja kvazi novca (QM) za 86,8 miliona KM (0,5%). U strukturi novca (M1), gotovina izvan banaka je povećana za 104,4 miliona KM (1,4%), dok su prenosivi depoziti u domaćoj valuti manji za 65,8 miliona KM (0,3%). Povećanje kvazi novca (QM) rezultat je rasta ostalih depozita u stranoj valuti za 136,6 miliona KM (1,7%), dok je istovremeno došlo do smanjenja prenosivih depozita u stranoj valuti za 11,7 miliona KM (0,3%) i ostalih depozita u domaćoj valuti za 38,2 miliona KM (1,0%).

Na godišnjem nivou, porast novčane mase (M2) u martu 2026. godine iznosio je 4,12 milijardi KM (10,6%). Rast je ostvaren kod gotovine izvan banaka za 512,1 milion KM (7,4%), kod prenosivih depozita u domaćoj valuti za 2,34 milijarde KM (13,7%), kod prenosivih depozita u stranoj valuti za 271,8 miliona KM (6,7%), kod ostalih depozita u domaćoj valuti za 560,4 miliona KM (16,6%) i kod ostalih depozita u stranoj valuti za 436,9 miliona KM (5,7%) u odnosu na isti period prethodne godine.

Monetarni agregati

(godišnje stope rasta)
2023 - 2026



Protustavka povećanju novčane mase (M2) na mjesečnom nivou u martu 2026. godine u iznosu od 125,3 miliona KM (0,3%) je smanjenje neto strane aktive (NSA) za 454,7 miliona KM (2,0%) i povećanje neto domaće aktive (NDA) za 580 miliona KM (2,9%). Porast novčane mase (M2) na godišnjem nivou od 4,12 milijardi KM (10,6%) rezultat je porasta neto strane aktive (NSA) za 875,2 miliona KM (4,0%) i neto domaće aktive (NDA) za 3,25 milijardi KM (18,7%).

Monetarni pregled

	Stanje u mil. KM III 2026	Mjesečne promjene u mil. KM			Godišnje stope rasta u %		
		I 2026	II 2026	III 2026	I 2026	II 2026	III 2026
Aktiva							
1. Neto strana aktiva	22.597,4	72,5	-47,5	-454,7	4,5	5,2	4,0
1.1. Strana aktiva	24.812,6	110,2	-78,4	-243,1	4,7	5,0	4,9
1.2. Strana pasiva	-2.215,2	-37,7	30,9	-211,6	7,0	3,0	15,0
2. Neto domaća aktiva	20.584,9	-268,9	386,2	580,0	16,6	17,0	18,7
2.1. Potraživanja od centralne vlade (neto), kantona i opština	2.763,8	6,9	354,8	73,8	64,6	75,9	69,5
2.2. Potraživanja od domaćih sektora	28.046,7	27,1	330,0	397,9	10,9	11,2	11,2
2.3. Ostale stavke	-10.225,5	-302,9	-298,6	108,3	8,8	11,1	7,4
Pasiva							
1. Novčana masa (M2)	43.182,3	-196,4	338,7	125,3	9,7	10,4	10,6
1.1. Novac (M1)	26.880,1	-232,3	244,8	38,6	11,7	12,2	11,9
1.2. Kvazi novac (QM)	16.302,1	36,0	93,9	86,8	6,5	7,4	8,4

Kreditni

Ukupni krediti domaćim sektorima na kraju marta 2026. godine iznosili su 29,57 milijardi KM i u odnosu na prethodni mjesec zabilježeno je povećanje kredita od 353,2 miliona KM (1,2%). Kreditni rast je registrovan kod sektora stanovništva za 214,8 miliona KM (1,5%), kod nefinansijskih privatnih preduzeća za 170,1 milion KM (1,5%) i kod ostalih domaćih sektora za 4,2 miliona KM (1,1%). Smanjenje kreditnog rasta na mjesečnom nivou je registrovano kod nefinansijskih javnih preduzeća za 14,2 miliona KM (1,8%) i kod vladinih institucija za 21,7 miliona KM (1,3%).

Godišnja stopa rasta ukupnih kredita u martu 2026. godine iznosila je 11,7%, nominalno 3,1 milijardu KM. Godišnji rast kredita registrovan je kod sektora stanovništva za 1,65 milijardi KM (12,5%), kod privatnih preduzeća za 943 miliona KM (8,6%), kod vladinih institucija za 318,5 miliona KM (23,1%), kod nefinansijskih javnih preduzeća za 131,2 miliona KM (20,7%) i kod ostalih domaćih sektora za 68,3 miliona KM (22,1%).

Sektorska struktura kredita

	Stanje u mil. KM III 2026	Mjesečne promjene u mil. KM			Godišnje stope promjene u %		
		I 2026	II 2026	III 2026	I 2026	II 2026	III 2026
Ukupno	29.572,0	69,9	458,3	353,2	11,6	12,1	11,7
Od toga:							
Stanovništvo	14.846,3	54,0	122,7	214,8	12,3	12,4	12,5
Privatna preduzeća	11.886,7	-28,0	231,3	170,1	8,7	9,0	8,6
Vladine institucije	1.696,3	41,7	127,6	-21,7	24,3	28,4	23,1
Javna preduzeća	764,7	21,4	-13,3	-14,2	16,2	20,6	20,7
Kreditni ostalim domaćim sektorima	378,0	-19,3	-10,0	4,2	20,3	20,4	22,1

Depoziti

Ukupni depoziti domaćih sektora na kraju marta 2026. godine iznosili su 37,55 milijardi KM i u odnosu na prethodni mjesec depoziti su povećani za 73,7 miliona KM (0,2%). Povećanje depozita na mjesečnom nivou registrovano je kod stanovništva za 168,6 miliona KM (0,8%), kod nefinansijskih javnih preduzeća za 6,6 miliona KM (0,3%) i kod vladinih institucija za 160,3 miliona KM (3,5%). U istom periodu depoziti su smanjeni kod privatnih preduzeća za 240,1 milion KM (2,8%) i kod ostalih domaćih sektora za 21,6 miliona KM (1,0%).

U strukturi depozita stanovništva, najveći dio se odnosi na transakcione račune 50,4%, dok su depoziti po viđenju 20,0%, a oročeni depoziti 29,6% ukupnih depozita stanovništva.

Godišnja stopa rasta ukupnih depozita u martu 2026. godine iznosila je 11,1%, što je u apsolutnom iznosu 3,75 milijardi KM. Godišnji rast depozita registrovan je kod sektora stanovništva za 2,19 milijardi KM (12,1%), u čijoj strukturi su transakcioni računi porasli za 15,4%, depoziti po viđenju za 7,7% i oročeni depoziti za 10,0%.

Rast depozita na godišnjem nivou zabilježen je i kod privatnih preduzeća za 893,1 milion KM (11,8%), kod vladinih institucija za 478,7 miliona KM (11,3%), kod nefinansijskih javnih preduzeća za 59,1 milion KM (3,1%) i kod ostalih domaćih sektora za 127,3 miliona KM (6,4%).

Sektorska struktura depozita

	Stanje u mil. KM III 2026	Mjesečne promjene u mil. KM			Godišnje stope promjene u %		
		I 2026	II 2026	III 2026	I 2026	II 2026	III 2026
Ukupno	37.547,6	-4,0	165,3	73,7	10,1	10,8	11,1
Od toga:							
Stanovništvo	20.264,0	70,4	284,7	168,6	11,9	11,5	12,1
Privatna preduzeća	8.483,8	54,8	-131,0	-240,1	8,2	11,1	11,8
Vladine institucije	4.706,2	-101,5	-48,5	160,3	13,8	13,8	11,3
Javna preduzeća	1.967,1	-35,0	23,7	6,6	-1,9	0,7	3,1
Depoziti ostalih domaćih sektora	2.126,4	7,3	36,4	-21,6	7,0	7,0	6,4

Devizne rezerve

Devizne rezerve Centralne banke BiH na kraju marta 2026. godine iznosile su 17,97 milijardi KM i na godišnjem nivou su povećane za 1,06 milijardi KM (6,3%).